

Veiðiblaðið

FÖSTUDAGUR 23. JÚNÍ 2017

Kynningar: Fnjóská Veiðiflugur Veiðivon



Feðgarnir Sigurður Jóhannsson (t.v.) og Jóhann Sigurðsson, á góðum degi í Fosspoli í Skjálfafljóti með góðan afla.

Eitt kort
35 vötn
6.900 kr

VEIÐIKORTIÐ
2017

Frelsi til að veiða!

www.veidikortid.is

00000 NI SVELIS

Vatnaveiðin er
komin í gang!
Ertu klár?

www.veidikortid.is

Þar sem hjartað slær

Feðgarnir
Jóhann
Sigurðsson
og Sigurður
Jóhannsson
hófu
snemma
að stunda
veiðar
saman. ➔2

Starri Freyr
Jónsson
starri@365.is



S tangveiðar eru stór hluti af samverustundum margra fjölskyldna. Þar færast þekkingin og handbrögðin gjarnan milli kynslóða, frá þeim eldri til þeirra yngri, og saman njóta fjölskyldumeðlimir útivistarinnar og náttúrunnar í ýmsum veðrum.

Akureyringurinn Jóhann Sigurðsson byrjaði að stunda veiðar um 3-4 ára aldurinn með föður sínum, Sigurði Jóhannssyni, og hófst ferillinn í Skjálfandafljóti. „Ég man sérstaklega vel eftir því að pabbi batt mig í spotta þar sem fljótið er erfitt yfirferðar, með mikið af gljúfrum og erfiðum veiðistöðum. Afi gerði einmitt það sama við pabba þegar hann var litill. Fyrstu árin fékk ég að halda í stöngina þegar pabbi eða afi höfðu sett í lax til að finna kraftinn í honum. Mér var kennt að rífa slagæðina með vísifingri, handrota og ýmislegt annað.“

Á næstu árum þróaðist veiðiáhuginn jafnt og þétt hjá Jóhanni og fljótt fann hann hvernig hann fór að skynja náttúruna betur, strauminn og ána. „Það sem er svo heillandi við veiðar er að fullnægja veiðieðlinu sem býr inni í brjóstinu á manni. Þegar ég byrjaði að fá lax var það frábær tilfinning. Að upplifa síðan alla þessa þætti í einu með góðum félögum er það sem togar mig alltaf aftur að ánni.“

Erfiðar aðstæður

Og góður félagsskapur er ómissandi þáttur í veiðinni, hvort sem

Það sem er svo heillandi við veiðar er að fullnægja veiðieðlinu sem býr inni í brjóstinu á manni.

Það eru vinir eða fjölskyldan. Jóhann hefur veitt lengi með föður sínum og segir þær veiðistundir hafa eflt og bætt samband þeirra feðga. „Að njóta samverunnar, kenna og miðla reynslunni, efla og styrkja veiðieðlið sem býr í brjóstinu á ungum veiðimanni er ómetanlegt. Svo er gaman að koma heim með laxa til eiginkonu og móður sem bíða spenntar eftir því að gera að aflanum. Það eflir sambandið í rauninni þegar annar er með stöngina og hinn með háfinn því þá reynir á samvinnuna. Eftir að laxinum hefur verið landað þá rekum við upp siguróp, berjum okkur á brjóst og föllumst í faðma. Það er ljómandi feðgasamband.“

Aðspurður um skemmtilegar endurminningar segir hann góðar og fallegar minningar vera við hvert fötmál. Ein kemur þó fljótlega upp í hugann. „Í júlímánuði 2015 áttum við feðgar kannski okkar bestu stund en þá settum við saman í stórlax. Viðureignin tók rúmlega 40 mínútur og reyndi mikið á okkur báða. Aðstæður voru mjög erfiðar, þungur straumur og laxinn lét mjög ófriðlega, kannski vegna þess að öngullinn hékk fremst í nefinu á honum. Hann hreinsaði sig fjórum sinnum hátt í loft upp, kom á fleygiferð fjórum sinnum á milli okkar niður stríðan straum og flúðir og þurfti



Jóhann (t.h.) var 3-4 ára gamall þegar hann hóf að veiða með föður sínum. Veiðin hefur fylgt þeim feðgum alla tíð síðan.

Sigurður (t.v.), pabbi Jóhanns, heldur hér á laxinum góða sem Jóhann minnst á í frásögn sinni. Hann vó 20 pund og var 100 cm langur.



gríðarleg átök til þess að koma honum upp aftur.“

Mögnuð stund

Háfun mistókst í fjögur fyrstu skiptin og segir Jóhann að þeir feðgar hafi ákveðið að ef hann kæmi á ferðinni í fimmta skipti yrði að duga eða drepast, það yrði þeirra síðasti möguleiki. „Sá sem var með háfinn reyndi að koma sér á þann stað þar sem hann

Eftir að laxinum hefur verið landað þá rekum við upp siguróp, berjum okkur á brjóst og föllumst í faðma.

hafði farið yfir brotin áður og stóð grafkyrr þar til laxinn kom eins og tundurskeyti. Þá kom eldsnóg

hreyfing til hliðar og laxinn stóð í háfnum eins og spjót. Þetta var mögnuð stund og trúlega sú eftirminnegasta en fiskurinn var 20 pund og 100 cm.“

Veiðisumarið fram undan er um 20 dagar hjá Jóhanni, þar af tólf laxveiðidagar og átta silungadagar. „Stefnan er sett á Ólafsfjarðará, Hörgá og Laxá og svo er það náttúrulega alltaf Skjálfandafljótið góða þar sem hjartað slær.“

FARSÆL ÞJÓNUSTA VIÐ VEIÐIMENN SÍÐAN 1988

VEIÐISVÆÐI FYRIR LAX

Jökla I og Fögruhlíðará
Jökla II
Hrútafjarðará
Breiðdalsá

VEIÐISVÆÐI FYRIR SILUNG

Breiðdalsá silungasvæði
Fögruhlíðará
Jökla III
Minnvallalækur

VEIÐIÞJÓNUSTAN
Strengir

www.strengir.is

ellidason@strengir.is /// strengir.is /// 660 6890



Þönnusteikt er bleikjan ávallt mjög góð. MYND/ANNA BJÖRK EDVARÐSDÓTTIR

Girnileg þönnusteikt bleikjuflök með mjúku möndlusmjöri

Þegar aflinn er veiddur er verkið hálfnað. Næst þarf að matreiða góðgætið á einhvern góðan hátt. Matarbloggarinn Anna Björk Edvarðsdóttir gefur hér uppskrift að gómsætum þönnusteiktum bleikjuflökum. Nánar á annabjork.is.

Þönnusteikt bleikjuflök með möndlusmjöri

fyrir 4

¼ bolli hveiti
½ tsk. salt
½ tsk. pipar
4 meðalstór bleikjuflök
2 msk. ólífuoía
100 g smjör
½ bolli möndluflögur
2 msk. sítrónusafi

Meðlæti: Franskar kartöflur, sítrónubátar, spinatlauf, kirsu-berjatómatar

Oftinn hitaður og frönsku kartöflurnar steiktar skv. leiðbeiningum á pökanum. Hveiti, salti og pipar er blandað saman á grunnan disk. Roðið á flökunum er skafið vel með bakinu á hnif og þeim síðan velt upp úr kryddaða hveitinu, umframhveiti er hrist vel af. Ólían og þriðjungur af smjörinu er hitað á stórri pönnu og flökin steikt þar til þau eru gyllt og gegnsteikt, haldið heitum. Restin af smjörinu er brædd á pönnunni og möndlurnar steiktar gylltar, þá er sítrónusafanum hellt á pönnuna. Borið fram með frönskum kartöflum, spinatsalatí og sítrónubátum.

VELDU GÆÐI

EITT MESTA ÚRVAL LANDSINS AF FLUGUVEIÐIHJÓLUM



NAUTILUS X
Sennilega langbestu kaupin
Verð frá 39.900 kr.



NAUTILUS CCF
Mögnuð tvíhenduhjól
Verð frá 95.900 kr.



LOOP EVOTEC
Allir þekkja Loop-gæði
Verð frá 56.900 kr.



LOOP OPTI
Sjálfsagt besta hjólið í laxinn
Verð frá 64.900 kr.



LOOP CLASSIC
Gamli skólinn
Verð frá 99.900 kr.



EINARSSON PLUS
Íslensk framleiðsla á heimsælikvarða
Verð frá 59.900 kr.



ECHO ION OG ECHO BASE
Ódýr en áreiðanleg
Verð frá 7.300 kr.



LOOP MULTI
Alvöru hjól á betra verði
Verð frá 31.900 kr.



Laxá er mögnuð til veiða

Bjarni Brynjólfsson, upplýsingastjóri Reykjavíkurborgar, var forfallinn bryggjudoorgari á Ísafirði sem krakki. Veiðihuginn hefur ekkert minnkað með árunum.

Elin
Albertsdóttir
elin@365.is



Bjarni fékk mariulaxinn í Laxá í Leirársveit aðeins 11 ára gamall. „Ég fór í veiðiferðir með afa á Ísafirði í Langadalsá. Ég fékk í fyrstu ekkert að veiða en man eftir að hafa séð hyl fullan af stórum lóxum. Það var svo góð kona í Ónundarfirði sem kenndi mér að veiða silung. „Í dag veiði ég jöfnum höndum silung og lax á flugu. Hvort tveggja er algjörlega ávanabindandi og fullkomin affreying frá daglegu amstri,“ segir hann.

Bjarni veiðir eingöngu á stöng en lætur skotveiði eiga sig. „Ég hef ekki snert byssu í mörg ár. „Tók eiginlega skotveiðihugann út sem unglingur í fullkomnu óleyfi. Ég skil alveg þá sem skjóta en hef bara ekki tíma í það. En ég veiði stundum lunda mér til matar en hann er tekinn í háf.“

Ævintýralegar glímur

Norðurá er í miklu uppáhaldi hjá Bjarna og sömuleiðis Laxá í Þingeyjarsýslu frá upptökum til ósa. „Laxá er mögnuð hvort sem bráðin er urriði eða lax. Þurrfluguveiði á urriðasvæðum Laxár er líklega mest spennandi veiðiskapur sem hægt er að komast í á Íslandi. Þegar flugunni er kastað á laxasvæðinu í Aðaldal byst maður alltaf við þessum stóra og það geta verið ævintýralegar glímur sem enda ekki alltaf með sigri veiðimannsins. Ég nýti allan fisk sem ég veiði upp til agna. Villtur lax og silungur er kóngafæða. Ég gref mikið en svo nota ég hann einnig í sashimi eða

ceviche. Og reyktur villtur lax er yfirleitt til á mínu heimili. Fyrsti laxinn er samt alltaf soðinn með lárviðarlaufi og borinn fram með nýju íslensku grænmeti, góðum kartöflum og bræddu smjöri.“

Óviðjafnanleg náttúra

Þegar Bjarni er spurður um uppáhaldsveiðihús, enda eru þau mörg glæsileg á landinu, svarar hann: „Veiðihúsið í Vökuholti í landi Laxamýrar við Laxá í Aðaldal. Útsýnið yfir ána og Mjósund er óviðjafnanlegt, fuglalífið í kring einstakt. Aðstaðan er líka frábær og hugvitssamlega útfærð herbergin rúmgóð og rúmin góð. Það fer alltaf fiðringur um veiðimenn þegar laxinn byrjar að ganga í árnar og talsverður spennningur að sjá hvað gerist þegar ár eru opnaðar. Ég reyni að komast sem oftast í veiði. Það er að vísu dýrt en ég sleppi utanlandsferðum í staðinn. Ég vil vera á Íslandi yfir sumartímann.“

Í baráttu með Frökkum

Bjarni hefur oft starfað sem leiðsögumaður fyrir erlenda veiðimenn. „Eitt sinn var ég með þrjá Frakka við veiðar í Norðurá. Aðeins einn þeirra hafði í raun áhuga á veiði. Hinir vildu bara horfa á og voru uppnumdir af náttúrunni við ána. Sá sem veiddi hafði komið tvisvar áður og hafði það orð á sér hjá reyndum leiðsögumönnum að vera með afbrigðum hvatvís og ópolinmóður. Hann setti í lax á góðum stað þar sem auðvelt var að landa og ég kenndi honum að þreyta laxinn rólega þangað til hann lægi á hliðinni. Hann tók leiðbeiningum mínum ágætlega. Eftir hádegishlé áttum



Með fallegan urriða úr Laxá í Laxárdal.

við veiðistað á milli fossanna Glanna og Laxfoss og ég spurði hvort þeir vildu að ég sýndi þeim hvernig laxinn tæki fluguna Sunray Shadow en slíkar tókur geta verið mikið sjónarspil ef rétt er staðið að verki. Þeir vildu ólmir verða vitni að því og ég strippaði fluguna hratt yfir brotið og vænn lax hremmdi hana á stökki. Þeir klöppuðu fyrir leiðsögumanninum allir þrír og ég rétti þeim með veiðihugann stöngina og sagði honum að landa laxinum. Sneri

mér síðan að hinum sem voru mjög „impóneraðir“. Svo verður mér lítið á Fransmanninn með stöngina og sé að flugustöngin er alveg komin í hring og laxinn eins þeytisþjald í ánni nálægt bakkanum. Nú gerðist það samtímis að stöngin brotnaði og taumurinn slitnaði og laxinn synti sína leið nánast óþreyttur. „Ég hélt ég hefði sýnt þér hvernig á að þreyta lax,“ sagði ég við Frakkann. „Hvað gerðist?“

„It's like when I'm playing golf

– I get overexcited,“ muldraði hann skömmustulegur með hreimi eins og Peter Sellers í Bleika pardusnum,“ segir Bjarni og bætir við að hann telji að sumarið fram undan verði frábært.

„Það gæti orðið erfitt hér á Vesturlandi þar sem ár eru þegar vatnslitlar í byrjun veiðitímans. En laxinn kom snemma í ár og það virðist vera nóg af honum en stærstu göngurnar eiga samt eftir að koma. Að lokum fer allt eftir því hversu stórar þær verða.“

Fluguveiðivörur á betra verði

Verslunin Veiðiflugur er flestum veiðimönnum kunn enda verið starfrækt um nokkurra ára skeið. Í sumarbyrjun var ný vefverslun opnuð, www.veidiflugur.is, sem hefur fengið góðar viðtökur.

Vid erum sérhæfð fluguveiðiverslun og bjóðum allt sem þarf til fluguveiða, hvort heldur í lax eða silung. Hjá okkur er mikið úrval af stöngum, hjólum og línunum, en ekki síður gott úrval af veiðifatnaði, vöðlum og skóm. Í maímánuði opnuðum við nýja vefverslun þar sem veiðimenn geta skoðað og keypt flestar okkar vörur. Allar pantanir eru póstlagðar samdægurs og sendum við fritt hvert á land sem er,“ segir Friðjón Mar Sveinbjörnsson, eigandi Veiðiflugna.

„Við leggjum höfuðáherslu á faglega og persónulega þjónustu, sanngjarna verðlagningu en ekki hvað síst vandaðar vörur. Meðal vörumerkja eru Loop, Patagonia, Guideline, Nautilus, Costa, Einarsson, Sierra og Korkers.

Loop er okkar stærsta einstaka vörumerki en það hefur notið mikilla vinsælda á Íslandi síðustu 20-30 árin. Loop hefur í kjölfar efnahagshrunsins endurskipulagt innviði sína og er nú í mikilli sókn um allan heim, ekki hvað síst á Íslandi. Loop býður upp á mikið



úrval af veiðistöngum sem segja má að séu hannaðar fyrir íslenskar aðstæður. Stangirnar frá þeim eru í fremstu röð enda sést það best á eftirspurninni. Verð á veiðibúnaði hefur sjálfsgætt aldrei verið lægra en til marks um það kostar nú nýjasta stöngin frá Loop aðeins 29.900 krónur,“ segir Friðjón.

Nánari upplýsingar er að finna á www.veidiflugur.is og á Facebook-síðu verslunarinnar.



Áhersla er lögð á faglega og persónulega þjónustu.

Verslunin á Langholti-vegi 111 er opin:
Mánudaga til föstudaga 09.00 – 18.00
Laugardaga 10.00 – 16.00
Sunnudaga 11.00-15.00
S: 527 1060

VEIÐIÞORTIÐ

ÚT Á GRANDA

ÚT Á GRANDA

Grandagarði 3, 101 Reykjavík, Sími 552 9940 | Opið mán.-fös. kl. 9-18. Laugard. kl. 9-16 Sunnud. kl 10-14

Vision atom tvíhenda

13 feta tvíhenda, hjól, skotlína og hólkur.

Fullt verð 64.900 kr

Tilboð 56.900 kr



Vision Atom 9 feta einhendu sett

Lína 6-7-eða 8 stöng, hjól, skotlína og hólkur

Verð 39.900 kr



Vision Fisú 9 feta einhendu sett

Stöng, lína, hjól og hólkur

Verð 29.900 kr

7 feta krakka sett

Verð 27.900 kr



**Opið
á sunnudögum
10-14 í allt sumar**

Barnavöðlur

PVC barna og unglunga vöðlur

St. 21-35 - **7.900 kr**

St. 36-41 - **8.900 kr**



Sætishlífar fyrir bílinn

Vatnsheldar og nýðstekar sætishlífar fyrir bílinn þinn.

Passar á flestar gerðir bíla

Verð 7.900 kr



Kaupauki !!

Stangarhaldarar á bílinn sogskál eða segull þú velur !

Verð 9.900 kr

Mistrall flökunarhnífur að verðmæti **2.900 kr**

Fylgir öllum höldurum



Jaxon 4 og 5 laga öndunavöðlur

Sterkustu og bestu öndunavöðlurnar sem þú færð undir 30 þús kall !! punktur

Verð 29 800 kr



Kaupauki. Barna veiðisett

6 feta stöng, hjól, lína.

Verð 7.800 kr

Öllum settum fylgir flottur veiðikassi að verðmæti **3.490 kr**



Vision Ikon Zipp

3 og 6 laga öndunavöðlur með rennilás.

Einar albestu öndunavöðlurnar á markaðnum. 6 laga skálmur, rennilás, vasi, belti og vandaður sokkur gerir þetta að topp vöðlum

Verð 49.900 kr

Fáanlegar í víðum stærðum !



Vision vöðlujakkar


Flottir jakkar með góða útöndun og góða vatnsheldni

Verð frá 29.900 kr



Kaupauki ! Sage X er kominn í Veiðiportið

Flugulína að eigin vali fylgir öllum Sage stöngum



veidiportid.is

Chota vöðluskór í dömu stærðum 35% afsláttur

St. 35-41

Fullt verð **32.900 kr**

Tilboð 21.400 kr



Leynivopn úr innsta hring

Það er sannkölluð veiðivopn með flugustöngum úr Veiðivopn og flugurnar sérhannaðar til að freista laxa og silunga í íslenskum ám og vötnum.

Fyrst ber að nefna Loop Q-flugustöngina í Veiðivopn.

„Þegar farið var af stað með hönnun á Loop Q-flugustönginni var markmiðið að hanna stöng sem gæti hentað bæði þeim sem eru nýir í fluguveiðinni sem og þeim sem lengra eru komnir,“ útskýrir Haukur Jóhannesson, eigandi verslunarinnar. Markmið framleiðenda var einnig að hanna stöng á samkeppnishæfu verði.

„Það er mál manna að einstaklega vel hafi tekist til. Stangirnar eru gráar að lit, með línuhringjum úr titánium fyrir línubýngdir 7 til 10, en hágæða, ryðfritt stál er í stöngum fyrir línubýngdir 4 til 6 og tvihendunum.“

Handfang Loop Q-flugustanganna er unnið úr hágæða korki og útbúið punktum sem gera það auðveldara að fá stöngina í beina línu við samsetningu.

„Stöngin er létt og mismunandi vinnsla er í mismunandi línubýngdum. Sem dæmi eru fjarkarnir miðlungshraðir en áttunnar hraðar og verður vinnslan hraðari með meiri línubýngdum. Við erum sannfærð um að hver sá sem prófar Loop Q muni falla fyrir þeim og hvetjum við alla til að koma og prófa,“ segir Haukur. Þess má geta að Loop Q kemur í hólki og kostar frá 29.900 krónum.

Scott Flex flugustöng

Önnur ný gæðastöng í Veiðivopn er á frábæru verði.



Haukur Jóhannesson er eigandi Veiðivopnar. Hér heldur hann á glæsilegu úrvali flugna frá Atlantic Flies sem hafa slegið rækilega í gegn meðal íslenskra veiðimanna, enda sérhannaðar fyrir íslenskar aðstæður. MYNDIR/ANTON BRINK

„Það er stöngin Flex frá Scott sem er þekkt fyrir gæði á góðu verði. Þetta litla fjölskyldufyrirtæki í Montana í Bandaríkjunum hefur fengið fjölda verðlauna fyrir stangirnar sínar og eiga stangirnar

sér marga aðdáendur,“ upplýsir Haukur.

Flex-stöngin hentar jafnt byrjendum sem lengra komnum og þeim sem leita að góðri stöng á frábæru verði.

„Flex hentar vel fyrir íslenskar aðstæður þar sem hugmyndafræðin á bak við Scott Radian var heimfærð yfir á stöng sem væri ódýrari í framleiðslu og þar með ódýrari út úr búð,“ segir Haukur

um Scott Flex sem kemur í hólki og kostar 59.990 krónum.

Flugurnar frá Atlantic Flies

Í Veiðivopn fast flugur frá Atlantic Flies en þær hafa slegið rækilega í gegn á Íslandi.

„Flugurnar eru frábærlega hnýttar og endingin þar af leiðandi mikil. Ekkert er til sparað í efnisvali og krökum og viljum við sérstaklega vekja athygli á flugum sem eru hannaðar með veiðar í Laxá í Aðaldal í huga. Þær eru hnýttar á einstaklega sterka króka frá Ken Sawada, í þeim tilgangi að halda stórum löxum,“ segir Haukur og fullyrðir að óviða sé meiri vörubrúun í gangi í flugum en hjá Atlantic Flies.

„Fyrirtækið er rekið af Íslendingnum Jóni Inga Ágústssyni sem fylgist sérstaklega með framleiðslunni og er í miklu og góðu samstarfi við íslenska veiði- og leiðsögumenn. Þannig fær hann fréttir af leynivopnum og skemmtilegum útfærslum á annars þekktum flugum og lætur fjöldaframleiða í verksmiðju sinni,“ upplýsir Haukur.

„Sjón er sögu ríkari og bjóðum við alla velkomna til okkar í Veiðivopn að skoða það mikla úrval laxa- og silungaflugna sem við höfum upp á að bjóða.“

Veiðivopn er í Mörkinni 6. Sjá nánar á veiðivopn.is.

Reyna að hugsa eins og fiskur

Matthías Þór Hákonarson segir kyrrðina sem hann upplifir í veiði jafnast á við góðan sálfræðitíma. Hann þarf ekki lengur að vera fyrsti maður út í og nýtur þess að leiðsegja fólki um íslenskar ár.

Ég var alltaf að veiða sem krakki og eftir að ég kynntist fluguveiði varð ekki aftur snúið. Það er kyrrðin og upplifunin sem heillar við veiðina. Maður einbeittir sér ekki að neinu öðru en ánni, flugunni og línunni og finnur ekki fyrir streitu. Ég þarf enga sálfræðitíma eða jóga, ég fer bara í veiði,“ segir Matthías Þór Hákonarson, veiðimaður og eigandi Iceland Fishing Guide.

Spurður um eftirlætis veiðistaði segir hann úr mörgu að velja. Það sé þó upplifunin frekar en staðsetning sem veiðimaðurinn eldist við.

„Maður er alltaf að reyna að komast í einhver ævintýri og upplifun. Mýrarkvísl er þó ofarlega á listanum, þar eru fjölbreytt veiðisvæði. Jökluvæðið er líka afar spennandi og fáar ár sem toppa Jöklu í fegurð og veiði. Ég get ekki farið í gegnum sumarið án þess að fara í Jöklu og þá vil ég hafa konuna mína með mér, Rögnu Sif. Hún er líka forfallinn veiðimaður og fær alltaf bestu og flottustu laxana í Jöklu. Lykillinn að góðu hjónabandi er að eiga sameiginleg áhugamál, enda kemst fjölskyldan ekki hjá því að fara í veiði með mér. Þetta er veiðilíf,“ segir hann spskur. Reyndar komi ekki alltaf fiskur á land og hann rifjar upp slysaleg handtök þegar fyrsti lax eiginkonunnar beit á það sumarið.

Ég hjálpa henni að landa og er að rétta henni fiskinn til þess að taka mynd, það þarf alltaf að taka mynd, en þá rennur hann úr greipum mér. Hún varð mjög reið, enda trúir enginn veiðisögum nema að sjá mynd.

„Ég hafði skilið frána eftir á veiðistað þar sem yfirleitt veiðist ekki mikið í. Þegar ég kom aftur var kengbogin stöngin hjá henni og ég hélt hún hefði fest í botni. Hún hélt nú ekki, það væri stærðar lax á. Ég hjálpa henni að landa og er að rétta henni fiskinn til þess að taka mynd, það þarf alltaf að taka mynd, en þá rennur hann úr greipum mér. Hún varð mjög reið, enda trúir enginn veiðisögum nema að sjá mynd,“ segir Matthías hlæjandi. Sem betur hafi þó stór lax náðst á land, og á mynd, stuttu síðar.



Matthías Þór og Rúnna Sif á túnfiskveiðum við strendur Tenerife.

Matthías gerði áhugamál sitt að atvinnu fyrir nokkrum árum og leiðsegir veiðimönnum af öllum þjóðernum um íslenskar ár. Hann segir nauðsynlegt að hafa gaman af fólki í þessu starfi og getur ekki hugsað sér að gera neitt annað.

„Ég elska að hitta mismunandi fólk og það er yfirleitt alltaf skemmtilegt hjá okkur. Auðvitað gengur misvel að veiða og oft skemmtilegt að fá góða veiðimenn en það er líka gaman að sjá fólk vaxa frá því það byrjar og þar til ferðinni er lokið. Maður getur orðið stoltur af fylgjast með því,“ segir Matthías.

En er ekki erfitt að horfa á aðra veiða og mega ekki renna sjálfur fyrir fisk?

„Það finnst mér alls ekki. Ég nýt þess að leiðsegja fólki og sjá ánægjuna hjá því þegar það kemst yfir fiskinn. Það er fátt sem toppar það. Ég er búinn að veiða svo mikið um ævina og þarf ekki lengur að vera fyrstur út í. Mér finnst bara gaman að vera við ána, með vinum og í vinnunni.“

Hver er galdurinn á bak við góða veiði? „Það er gott að vita hvert á að fara og einnig að hafa nóg af svæðum því það er ekki gott að hanga á sama stað ef ekkert er að gerast. Breyta eitthvað til, prófa aðrar flugur og færa sig annað. Reyna að hugsa eins og fiskur.“



Veidihúsin að Flúðaseli



Horft frá Kolbeinspolli niður gilið á 1. svæði.

Fnjóská, krefjandi og skemmtileg á í fögru umhverfi

Stangaveiðifélagið Flúðir á Akureyri er leigutaki Fnjóskár frá árinu 1969 og hefur í góðri samvinnu við bændur skipulagt ræktun og veiðar í ánni alla tíð síðan.

Pegar ekið er frá Akureyri um Þjóðveg 1 og yfir Víkurskarð er komið í Fnjóskadal. Þar liðast Fnjóská um dalbotninn í einstaklega fögru umhverfi Fnjóskadalsins.

Fnjóská er vatnsmesta og lengsta dragá landsins, um 117 km. Áin á upptök í efstu drögum Bleiksmýrardals inni á Sprengisandi og fellur til sjávar í Eyjafjörð við prestsetrið Laufás og höfuðbýlið Nes í Höfðahverfi.

Mikil náttúrufegurð er í Fnjóskadal og umhverfi árinna er víða stórbrotið og ægífagurt. Við efstu drög er hálendisgróður, en þegar komið er niður í Bleiksmýrardal eru hliðar víða þaktar birkikjarrar þar til komið er að hinum rómaða Vaglaskógi. Fnjóská liðast þaðan um dalinn með myndarleg bændabýli á báða vegu.

Þegar komið er út í nyrsta hluta Fnjóskadalsins fellur áin til vesturs um svo kallað Dalsmynni, þar sem hún hefur grafið sig niður í forn berglög dalsins og rennur þar í fossom um stórbrotið gljúfur.

Fnjóská er fiskgeng frá ósum inn í innstu drög Bleiksmýrardals. Lax gengur um 50 km frá sjó en sjóbleikjan fer enn lengra inn á Bleiksmýrardal og hliðardalina Timburvalladal og Hjaltadal. Einnig er þó nokkuð af staðbundnum urriða í ánni.

Lax- og silungsveiði hefur verið stunduð í Fnjóská frá fornu og þá aðallega í neðsta hluta árinna. Stangveiði var lengst af lítið stunduð eða þar til enskur aðalsmaður, Fortescue, tók ána á leigu og sprengdi fiskveg um ófiskgenga fossana neðst

» Mikil náttúrufegurð er í Fnjóskadal og umhverfi árinna er víða stórbrotið og ægífagurt.

í ánni og hóf fiskirækt henni. Hann stundaði stangveiðar fram að síðari heimsstyrjöld er hann hvarf af landi brott.

Veidiðin

Í Fnjóská veiðist lax, bleikja, urriði og stöku sjóbirtingur. Meðallaxveiði er um 500 laxar á ári hin síðari ár. Fnjóskarlaxinn er vænn og afar sterkur, þannig að oft verða veiðimenn að taka á öllu sínu í glímu við stórlaxa á fossasvæðinu í miklu vorvatni. Það svæði er sennilega eitt stórkostlegasta og mest krefjandi laxveiðisvæði á Íslandi. Efri svæðin einkennast hins vegar af stórum hægum breiðum, sem geta verið slyngum fluguveiðimönnum mikil áskorun.

Veidiðreglur

Veitt er í Fnjóská á fimm svæðum. Efst er tveggja stanga silungsveiðisvæði, en neðri hluti árinna skiptist í fjögur lax- og silungsveiðisvæði, þar sem veitt er á tvær stangir á hverju svæði. Þar sem Fnjóskadalurinn er langur er mjög rúmt um veiðimenn á svæðum árinna og endist veiðimönnum stundum ekki vaktin til að reyna alla staði hvers svæðis.

Leyfilegt agn á laxasvæðum er

fluga og spúnn til 11. ágúst en síðan er eingöngu veitt á flugu allt til loka veiðitímans. Sleppa skal öllum laxi sem er stærri en 70 cm eða setja hann í klak. Veiðikvóti á hverri vakt miðast við tvo laxa minni en 70 cm og fjórar bleikjur. Eftir það er veiðimönnum heimilt að veiða og sleppa fiski.

Aðstaða veiðimanna

Á síðasta ári voru tekin í notkun ný og afar glæsileg veiðihús við ána í landi Böðvarssness. Byggð voru fjögur hús, þar sem gisting er fyrir allt að 14 manns. Þrjú húsanna eru með tveimur tveggja manna gistiherbergjum, baðherbergi og eldhúsi og öllum búnaði, meðal annars úti-grilli. Í fjórða húsinu er gisting fyrir tvo og aðgerðaraðstaða og frystir ásamt vöðlugeymslu.

Á lóðinni er einnig nýuppgerð eldra hús, Flúðasel, með gistingu fyrir tvo ásamt fullbúnu eldhúsi, matsal og setustofu fyrir stærri hópa. Aðstaða er öll hin veglegasta og er sniðin bæði að þörfum þeirra veiðimanna sem vilja næði og einnig fyrir stærri hópa. Reiknað er með að veiðimenn sjái um sinn kost og búnað sjálfir, en möguleiki er á að fá fulla þjónustu með uppabúnum rúnum og mat ef þess er óskað. Útsýni er afar fagurt frá húsunum yfir Fnjóská og Fnjóskadalinn og er það einstök og hrein náttúruupplifun að dvelja þar við lax- og silungsveiðar í góðra vina hópi.

Veidiðeyfi og frekari upplýsingar. www.fnjoska.is netfang: fludir@fnjoska.is



Þvergarðsbreiða á 3. svæði.



Kolbeinspollur, Brúarlagshylur og Hellan.



Ferjupollur á 2. svæði.

Ánægjulegt að sleppa

Heiðar Valur Bergmann veiddi mariulaxinn fyrir tæpum tíu árum. Hann dreymir um að eltast við steelhead í Bresku-Kólumbíu í Kanada.

Sólveig
Gísladóttir
solveig@365.is



Lax eða silungur? Úff, ég veit ekki, lax er auðveldari og honum fylgir oft meiri glamúr. Silungurinn er fyrir lengra komna eins og pabbi gamli segir gjarnan.

Sleppa eða halda? Ég sleppi nánast öllum fiskum sem ég veiði. Ég tek stundum lax með heim handa afa eða ef ég er sérstaklega beðinn um það. En annars sleppi ég alltaf, og það er mjög ánægjulegt að gera það.

Besta flugan? Ef ég mætti velja aðeins eina flugu til að veiða með þá væri það Black Ghost, hún virkar í allt. Í laxinn er það Evening dress sem tengdapabbi minn, sá mikli öðlingur, kynnti fyrir mér. Í bleikju eða urriða þá er það Pheasant tail.

Uppáhaldsveiðistaðurinn? Af því sem ég hef farið standa Hofsa og Vatnsdalsá upp úr. Rennslíð í þessum ám er nánast fullkomið. En líklega hef ég átt skemmtilegustu viðureignirnar á Breiðunni að norðan í Blöndu. Ég er reyndar að fara í sumar á Nes-svæðið í Laxá í Aðaldal og er mjög spenntur því að ég veit að það er ólýsanlegt að vera þar með veiðistöng.

Draumaveiðiferðin? Er að fara með þremur bestu veiðifélögnum í tvær vikur til Bresku-Kólumbíu

Fyrir mig er þetta hugleiðsla. Stundum syng ég hátt og snjallt og ótrúlega oft jólalög.

Heiðar Valur Bergmann

í Kanada og eltast við steelhead. Veiða í Bulkley-ánni sem er oft sögð vera mekka fyrir þessa fiska sem geta orðið mjög stórir og eru fáránlega sterkir.

Mariulaxinn? Það var í ágúst 2008 í Þverá á Ströndum sem er lítil tveggja stanga á rétt áður en komið er til Hólmavíkur. Ég var þar með pabba og góðum vini og voru þeir með töluvert meiri reynslu en ég þar sem ég var nýbyrjaður að veiða. Ég er frekar neðarlega í ánni og er einn þá stundina þegar ég set í fyrsta skipti í lax. Flugan er 1" Raudur Frances. Ég veit ekkert hvað ég á að gera þar sem ég finn að laxinn leggst á botninn og hreyfir sig ekkert, var s.s. ekki að haga sér eins og bleikjurnar í Þingvallavatni því að það voru einu fiskarnir sem ég hafði á ævinni veitt á flugu. En ég byrja að



Heiðar Valur ánægður með voldugan lax í Langá á Mýrum, á veiðistaðnum Neðri-Stangarhyl.

toga af öllum krafti og þá fer laxinn af stað og stekkur og ég sá hann í fyrsta skipti, og sá var stór og bjartur. Í stuttu máli þá straujaði laxinn niður ána og ég stóð eins

og stytta og horfði á linuna spólast út af hjólinu, laxinn sleit tauminn minn. Ég titraði og jafnaði mig fljótt og kastaði aftur út í hylinn og bamm aftur var lax á og ég náði

að landa fallegru fjögurra punda hrygnu. Daginn eftir kom gamall heimamaður og náði einum 18 punda hæng með Rauðan Frances í kjaftinum.

Hvernig völdur notarðu? Simms G4 pro.

Ómissandi nesti? Dökkar súkkulaðirúsínur og hnetur mixað saman. Svo drekk ég Grape gosdrykkinn – en bara í veiði.

Hefurðu fengið eitthvað skritið á öngulinn? Ég hef veitt alls konar drasl, en líklega er það mús sem hafði drukknad.

Um hvað hugsarðu meðan þú veiðir? Allt og ekkert, fyrir mig er þetta hugleiðsla. Stundum syng ég hátt og snjallt og ótrúlega oft jólalög.

Hvert forstu síðast? Ég var að koma úr smá ferð þar sem ég náði rétt að veiða í Svartá í Bárðardal og svo í Laxá í Laxárdal. Ég náði flottum urriðum í báðum ánum. Þeir eru rosalegir urriðarnir þarna fyrir norðan.

Hvert ferðu næst? Ég fer næst í Langá á Mýrum, þar finnst mér gott að vera.

Bulkley-áin er oft sögð vera mekka fyrir þessa fiska sem geta orðið mjög stórir og eru fáránlega sterkir.

Veiddir þú eldislax eða regnbogasilung?

Hvernig þekkja má strokufiska úr eldi. Strokulaxa úr eldi má þekkja á einum eða fleirum eftirfarandi einkenna: skemmdir á uggum og sporði, eyddum tálknborðum, lögum trjónu og kubbslegum vexti. Regnbogasilungar geta haft svipuð einkenni og eldislaxar en eru jafnan enn kubbslegri, doppóttari á bók og sporði og hafa rauðleita sliktu eftir endilöngum búknum. Allur regnbogasilungur á Íslandi er úr eldi.

Vilttur lax



hreisturtökustaður

Viðbrögð

Ef grunur leikur á að veiðst hafi eldislax eða regnbogasilungur skal tilkynna það strax til Fiskistofu eða Hafrannsóknastofnunar.

Gefa skal upp veiðistað, dagsetningu, tegund, kyn, lengd og þyngd.

Æskilegt er að koma fiski til Fiskistofu eða Hafrannsóknastofnunar til greiningar, ferskum eða frosnum. Uppruni fiska er þá metinn út frá útliti eða erfðasamsetningu.

Ef ekki er unnt að verða við því má senda hreistursýni til greiningar. Skafa skal u.þ.b. 20 hreistur af svæðinu sem sýnt er á mynd að ofan og setja í hreisturpoka (eða í annað pappírsumslag). Nota skal hreinan hníf við hreisturtökuna. Senda skal ljósmynd af fiski í tölvupósti.



Regnbogasilungur

Eldislax



FISKISTOFA

Dalshrauni 1, 220 Hafnarfirði
S: 569-7900, fiskistofa@fiskistofa.is



HAFRANNSÓKNASTOFNUN
Rannsókn- og ráðgjafarstofnun hafs og vatna

Skúlagötu 4, 121 Reykjavík
S: 575-2000, hafogvatn@hafogvatn.is